



NASIHAT SEBAGAI KAEDAH DALAM HUBUNGAN ANTARA ULAMA, UMARAK DAN UMMAH



ISBN 983-42855-1-5
Cetakan Kedua 2009

Hak cipta terpelihara. Dibenarkan mencetak semula untuk tujuan edaran percuma (bukan komersial) dengan syarat tidak mengubah teks asal dan dicetak dengan ehsan Pejabat Mufti Wilayah Persekutaun.

Pengarang
S.S. Datuk Wan Zahidi b. Wan Teh

Diterbitkan oleh
Pejabat Mufti Wilayah Persekutuan,
Jabatan Perdana Menteri.



KANDUNGAN

Kata Alu-aluan	iv
Pendahuluan	1
Menegakkan Pemerintahan Adalah Satu Kewajipan Dan Ibadat Yang Besar	3
Martabat Pemerintah	6
Pemerintah : Antara Kebaikan Dan Keburukan	13
Kewajipan Taat Kepada Pemerintah	16
Kesahihan Pemerintah	22
Kepentingan Ulama Dalam Pembentukan Ummah	28
Penutup	33
Rujukan	34



KATA ALU-ALUAN

Alhamdulillah, saya bersyukur ke hadrat Allah SWT kerana akhirnya risalah kecil ini berjaya diterbitkan oleh Pejabat Mufti Wilayah Persekutuan. Risalah ini merupakan salah satu daripada kertas kerja yang pernah dibentangkan pada Multaqa Ulama Kebangsaan 2004.

Diharapkan risalah ini dapat membantu memberi kefahaman kepada masyarakat Islam tentang kewajipan taat kepada pemerintah selama perkara tersebut bukan perkara maksiat kepada Allah dan keperluan kepada kewujudan pemerintah supaya kedaulatan ummah sentiasa terpelihara.

Huraian dan penjelasan di dalam risalah ini tidak lain hanya untuk memberi gambaran keutamaan nasihat sebagai kaedah yang terbaik untuk dipraktikkan setiap masa di kalangan ulama, umarak dan ummah dalam menjaga kepentingan agama juga menjamin kesejahteraan jamaah muslimin.

Semoga kita semua mendapat manfaat daripada kefahaman yang diperolehi melalui risalah ini sebagaimana sabda Rasulullah SAW “Barangsiapa yang dikehendaki oleh Allah kebaikan padanya, diberikannya kefahaman dalam agama”.

Datuk Haji Wan Zahidi b. Wan Teh
Mufti Wilayah Persekutuan
Jabatan Perdana Menteri.



PENDAHULUAN

Keperluan masyarakat manusia kepada wujudnya negara bagi mengatur kehidupan mereka telah digambarkan dengan jelas oleh Dr. Abdul 'Aziz 'Izzat Al-Khayyat dalam bukunya *An-Nidham As-Siyasi fi al-Islam*:

الأصل في المجتمع أن يكون له دولة تهيمن على شئونه، وتدبر أمور حياته وشؤونها، وبدونها تكون الأمور فوضى، والحياة مضطربة، يأكل فيها القوي الضعيف ويظلم المتسلط المغلوب، ومن خصيصة البشر العدوان والظلم فإذا لم يكبح السلطان واليد القاهرة، لم يستقم للبشرية أمر، ولذلك إتفقت المجتمعات البشرية من أول شأنها في الحياة أن يقوم فرد منها يُعاونه من المجتمع أفراد آخرون على تنظيم الأمور وسياسة المجتمع، مهما كان اسم هذا الحاكم المنصف ملكاً أو أميراً أو شيخ قبيلة أو خليفة أو إماماً

“Adalah menjadi keperluan asas bagi sesebuah masyarakat wujudnya pemerintahan yang menjaga hal ehwalnya serta mentadbir urusan kehidupan anggotanya. Tanpa negara, kehidupan manusia akan kucar-kacir, yang kuat



menelan dan menguasai yang lemah dan tak berdaya. Ini ialah memandangkan tabiat semulajadi manusia yang cenderung kepada permusuhan dan melakukan kezaliman. Jika tidak wujud kuasa dan tangan yang kuat membelanya, kehidupan manusia tidak akan terbela. Oleh yang demikian, seluruh masyarakat manusia sejak dari zaman awal lagi telah sepakat tentang perlunya wujud golongan yang menjalankan tugas pemerintahan daripada kalangan mereka, tanpa mengira apakah gelarannya, sama ada ianya Raja, Amir, Sheikh Kabilah, Khalifah atau Ketua Negara”.

Islam yang datang untuk mengatur kehidupan manusia sudah tentu tidak mengabaikan keperluan untuk menegakkan pemerintahan di kalangan umatnya. Menjelaskan hakikat ini, Dr. Abdul Aziz seterusnya menulis :

وَطَبِيعَةُ الْإِسْلَامِ تُوجِبُ إِقَامَةَ الدَّوْلَةِ وَتَفْرِضُهَا، لِأَنَّ الْإِسْلَامَ عَقِيدَةٌ
وُخُلِقَ وَقِيمٌ، وَشَرِيعَةٌ مُحْكَمَةٌ عَادِلَةٌ ذَاتُ أَنْظَمَةٍ مُتَعَدِّدَةٍ تَحْكُمُ
الْإِنْسَانَ فِي تَصَرُّفَاتِهِ وَمَعَامَلَاتِهِ وَعَعْلَاقَاتِهِ، وَلَا بُدَّ لِتَنْفِيذِ هَذَا النَّظَامِ
وَضَبْطِ أُمُورِ النَّاسِ مِنْ دَوْلَةٍ إِسْلَامِيَّةٍ.

“Sifat tabii ajaran Islam itu sendiri mengandungi tuntutan untuk menegakkan negara kerana Islam mengandungi ajaran tentang akidah, akhlak dan nilai-nilai yang murni serta syariat yang adil. Ia mengandungi berbagai-bagai peraturan yang mengatur kehidupan manusia dalam tindak-tanduknya, muamalat serta hubungan sesama mereka. Sudah tentu bagi melaksanakan peraturan tersebut dan mengatur urusan kehidupan manusia diperlukan sebuah negara Islam.”



MENEGAKKAN PEMERINTAHAN ADALAH SATU KEWAJIPAN DAN IBADAT YANG BESAR

Berpandukan kepada dalil-dalil yang banyak daripada Quran, Sunah serta amalan para sahabat, para ulama telah memutuskan bahawa menegakkan pemerintahan adalah wajib ke atas masyarakat Islam dan merupakan satu ibadat yang besar dalam Islam. Berikut ialah petikan-petikan daripada tulisan para ulama dalam kitab-kitab mereka.

Al-Mawardi dalam Al-Ahkam Al-Sultaniyyah menyatakan:

الإِمَامَةُ مَوْضُوعَةٌ لِحِلَافَةِ النَّبِيِّ فِي حِرَاسَةِ الدِّينِ وَسِيَاسَةِ الدُّنْيَا،
وَعَقْدُهَا لِمَنْ يَقُومُ بِهَا فِي الْأُمَّةِ وَاجِبٌ بِالْإِجْمَاعِ... (الماوردي،
الأحكام السلطانية)

“Pemerintahan disyariatkan bagi menggantikan tugas kenabian dalam memelihara agama dan mentadbir urusan dunia umat Islam. Ijmak ulama menetapkan bahawa melantik pemerintah yang mampu melaksanakan tanggungjawab pemerintahan di kalangan umat Islam adalah wajib hukumnya”.

Al-Mawardi seterusnya menyatakan:

فَإِذَا ثَبَتَ وَجُوبُ الْإِمَامَةِ فَفَرَضَ عَلَيْهَا عَلَى الْكِفَايَةِ كَالْجِهَادِ وَطَلَبِ الْعِلْمِ...

“Apabila telah terbukti kewajipan menegakkan pemerintahan maka hukumnya adalah fardu kifayah seperti kewajipan berjihad dan menuntut ilmu...”

Al-Imam Ibnu Taimiyyah dalam kitabnya *Al-Siyasah Al-Syar’ieyyah* menyatakan:

يَجِبُ أَنْ يُعْرَفَ أَنَّ وَلَايَةَ أَمْرِ النَّاسِ مِنْ أَعْظَمِ وَاجِبَاتِ الدِّينِ، بَلْ لَا قِيَامَ لِلدِّينِ إِلَّا بِهَا. فَإِنَّ بَنِي آدَمَ لَا تَتَمُّ مَصْلِحَتُهُمْ إِلَّا بِالْإِجْتِمَاعِ لِحَاجَةِ بَعْضِهِمْ إِلَى بَعْضٍ، وَلَا بُدَّ لَهُمْ عِنْدَ الْإِجْتِمَاعِ مِنْ رَأْسٍ حَتَّى قَالَ النَّبِيُّ صَلَّى اللَّهُ عَلَيْهِ وَسَلَّمَ: إِذَا خَرَجَ ثَلَاثَةٌ فِي سَفَرٍ فَلْيُؤَمِّرُوا أَحَدَهُمْ، فَأَوْجَبَ تَأْمِيرَ الْوَاحِدِ فِي الْإِجْتِمَاعِ الْقَلِيلِ الْعَارِضِ فِي السَّفَرِ تَنْبِيْهَا بِذَلِكَ عَلَى سَائِرِ أَنْوَاعِ الْإِجْتِمَاعِ. وَلَأَنَّ اللَّهَ تَعَالَى أَوْجَبَ الْأَمْرَ بِالْمَعْرُوفِ وَالنَّهْيَ عَنِ الْمُنْكَرِ وَلَا يَتَمُّ ذَلِكَ إِلَّا بِقُوَّةٍ وَإِمَارَةٍ. وَكَذَلِكَ سَائِرُ مَا أَوْجَبَهُ مِنَ الْجِهَادِ وَالْعَدْلِ وَإِقَامَةِ الْحُدُودِ لَا تَتَمُّ إِلَّا بِالْقُوَّةِ وَالْإِمَارَةِ. وَهَذَا رَوَى، أَنَّ السُّلْطَانَ ظَلَّ اللَّهُ فِي الْأَرْضِ. وَيُقَالُ: سِتُّونَ سَنَةً مِنْ إِمَامِ جَائِرٍ أَصْلَحَ مِنْ لَيْلَةٍ بِلَا سُلْطَانٍ. وَالتَّجْرِبَةُ تُبَيِّنُ ذَلِكَ. وَهَذَا كَانَ السُّلْفُ كَالْفُضَيْلِ بْنِ عِيَاضٍ وَأَحْمَدِ

بن حنبل وغيرهما يقولون: "لو كان لنا دعوة مُستجابة لدَعَونا بها للسلطان". (إبن تيميه، السياسة الشرعية)

"Wajib diketahui bahawa tanggungjawab memerintah adalah sebahagian daripada kewajipan agama yang paling besar, malah agama tidak dapat ditegakkan tanpa pemerintahan. Ini adalah kerana manusia perlu berkumpul dalam memenuhi keperluan hidup mereka dan dalam perkumpulan perlu ada ketua. Dalam hubungan ini Rasulullah SAW bersabda (maksudnya) :

"Dan apabila tiga orang keluar mengembara, maka salah seorang daripadanya hendaklah dilantik menjadi ketua". Rasulullah SAW di dalam hadis ini mewajibkan ada ketua dalam satu perhimpunan yang kecil sebagai peringatan tentang perlunya ketua dalam kehidupan umat Islam. Demikian juga, Allah Taala menuntut umat Islam melaksanakan amar makruf dan mencegah kemungkaran.

Kewajipan ini tidak boleh dilaksanakan kecuali dengan kekuatan dan pemerintahan. Demikian juga kewajipan-kewajipan yang lain seperti berjihad, menegak keadilan, mengendalikan urusan haji, Solat Jumaat, hari raya, membela orang yang dianiaya, melaksanakan hudud. Semuanya tidak dapat dilaksanakan tanpa ada kekuatan dan pemerintahan. Oleh yang demikian terdapat riwayat daripada Rasulullah SAW yang bermaksud: "Sesungguhnya pemerintah adalah perlindungan Allah di muka bumi. Dan disebutkan enam puluh tahun di bawah pemerintahan yang zalim lebih baik daripada berada satu malam tanpa wujud pemerintahan". Memandangkan hakikat ini para ulama salaf seperti Fudail Bin 'Iyad dan Ahmad Bin Hanbal mengatakan : "Jika kami memiliki satu doa yang mustajab pasti kami akan doakan untuk pemerintah".



MARTABAT PEMERINTAH

Syeikh ‘Abd as-Salam bin Burjus ketika menghuraikan persoalan ini menyatakan dalam kitabnya *Mu’amalat al-Hukkam* :

أولو الأمر لهم مكانة عالية ومترلة رفيعة منحهم الشارع إياها ليتناسب قدرهم مع علو وظيفتهم ورفيع منصبهم وعظم مسئوليتهم. فإن منصبهم منصب الإمامة إنما وضع ليكون خلفاً للنبوة في حراسة الدين وسياسة الدنيا.

(عبدالسلام بن برّجس: مُعَامَلَةُ الْحُكَّام)

“Golongan pemerintah dianugerahkan Allah oleh syarak kedudukan dan martabat yang tinggi sesuai dengan darjat serta tanggungjawab besar lagi penting yang dipikul oleh mereka. Ini kerana jawatan pemerintah diwujudkan oleh syarak bagi mengambil alih tugas kenabian dalam memelihara agama dan mengatur kehidupan umat Islam”.

Tentang keperluan menghormati golongan pemerintah Ibnu Jama’ah dalam kitabnya *Tahrir al-Ahkam* menyatakan:

أن يعرف له عظيم حقه وما يجب من تعظيم قدره فيتعامل بما يجب له من الاحترام والأعظام وما جعل الله تعالى من الأعظام ولذلك كان العلماء الأعلام من أئمة الإسلام يُعظَّمون حُرْمَتَهُمْ وَيُلبَّون

دَعْوَتَهُمْ مَعَ زُهْدِهِمْ وَوَرَعِهِمْ وَعَدَمِ الطَّمَعِ فِيمَا لَدَيْهِمْ وَمَا يَفْعَلُهُ
بَعْضُ الْمُتَنَبِّسِينَ إِلَى الزُّهْدِ مِنْ قَلَّةِ الْأَدَبِ مَعَهُمْ فَلَيْسَ مِنَ السَّنَةِ.

(ابن جماعة: تحرير الأحكام في تدبير أهل الإسلام)

“Hendaklah seseorang itu mengetahui hak pemerintah yang begitu besar dan kewajiban meninggikan martabatnya supaya dengan itu perhubungannya dengan pemerintah berjalan mengikut cara yang mulia dan terhormat sepertimana yang diwajibkan, serta sesuai dengan kebesaran yang ditentukan oleh Allah kepada mereka. Memandangkan demikianlah maka para ulama terkemuka dari kalangan Imam-imam meninggikan martabat mereka, dan menerima jemputan para pemerintah, sekalipun mereka adalah orang-orang yang zuhud dan warak serta tidak ada keinginan untuk mendapat apa-apa habuan daripada pemerintah. Oleh itu, perlakuan-perlakuan kurang adab yang dilakukan oleh sesetengah orang yang menggolongkan diri mereka daripada kalangan orang-orang yang zuhud – bukanlah daripada amalan yang sesuai dengan Sunah”.

Menurut Syeikh Khalid Bin ‘Ali al-Anbari dalam *Fiqh as-Siyasah as-Syar’ieyyah*:

مَّا يَدُلُّ عَلَى رَفِيعٍ مِثْلَةِ أَوْلَى الْأَمْرِ فِي الشَّرْعِ الْمُطَهَّرِ – لَاسِيْمَا إِذَا
عَدَلُوا – أَنَّ اللَّهَ قَرْنَ طَاعَتِهِ سَبْحَانَهُ وَطَاعَةَ رَسُولِ اللَّهِ عَلَيْهِ وَسَلَّمَ
بَطَاعَتِهِمْ كَمَا فِي آيَةِ الْأَمْرَاءِ. يَتَأَيَّبُهَا الَّذِينَ ءَامَنُوا أَطِيعُوا اللَّهَ
وَاطِيعُوا الرَّسُولَ وَأَوْلَى الْأَمْرِ مِنْكُمْ

.... (النساء: ٥٩)



“Antara dalil yang menunjukkan ketinggian martabat golongan pemerintah di sisi hukum syarak yang maha suci lebih - lebih lagi jika mereka adil - bahawa perintah taat kepada mereka datang seiring dengan perintah taat kepada Allah Taala dan Rasul-Nya seperti yang terdapat dalam ayat berkenaan golongan pemerintah (“Wahai orang-orang yang beriman, taatilah Allah dan taatilah Rasul-Nya dan golongan pemerintah di kalangan kamu..... al-Nisa’ : 59”)

Pandangan para ulama di atas bersandikan dalil-dalil daripada al-Quran dan Sunah. Antaranya ayat umarak di atas dan ayat 251 Surah al-Baqarah:

وَلَوْلَا دَفْعُ اللَّهِ النَّاسَ بَعْضَهُمْ بِبَعْضٍ لَفَسَدَتِ الْأَرْضُ
وَلَكِنَّ اللَّهَ ذُو فَضْلٍ عَلَى الْعَالَمِينَ

“Seandainya Allah tidak menolak (keganasan) sebahagian manusia dengan sebahagian yang lain pasti rosaklah bumi ini. Tetapi Allah mempunyai kurnia (yang dicurahkan) atas semesta alam”.

Imam Abu Bakar al-Turtusyi ketika mentafsirkan ayat ini dalam kitabnya *Siraj al-Muluk* menyatakan:

لولا أن الله تعالى أقام السلطان في الأرض يدفع القوي عن الضعيف
وينصف المظلوم عن الظالم لأهلك القوي الضعيف وتوابع الخلق
بعضهم على بعض فلا ينتظم لهم حال ولا يستقر لهم قرار فتنفسد
الأرض ومن عليها.



“Seandainya Allah Taala tidak menegakkan pemerintah di muka bumi untuk mempertahankan orang yang lemah daripada penindasan oleh orang yang kuat dan membela orang yang teraniaya daripada dizalimi oleh orang yang zalim maka sudah tentu yang kuat akan membinasakan yang lemah dan berlaku pencerobohan antara sesama manusia (tanpa pembelaan). Akibatnya kehidupan manusia menjadi kucar-kacir dan ketenteraman akan hilang hingga membawa kemusnahan kepada kehidupan manusia”.

Imam al-Alusi dalam *Tafsir Ruh al-Ma‘ani* menyatakan:

وفي هذا تَنْبِيْهِ عَلَى فَضِيْلَةِ الْمَلِكِ وَأَنَّهُ لَوْلَاهُ مَا اسْتَتَبَّ أَمْرُ الْعَالَمِ وَهَذَا قِيلَ: الدِّينَ وَالْمَلِكَ تَوَاقُفٌ فِيَّ ارْتِفَاعٍ أَحَدُهُمَا ارْتِفَاعُ الْآخِرِ لِأَنَّ الدِّينَ أُسٌّ وَالْمَلِكَ حَارِسٌ وَمَا لِأُسِّ لَهُ فَمَهْدُومٌ وَمَا لِحَارِسٍ لَهُ فَضَائِعٌ.

“Ayat di atas merupakan peringatan tentang kelebihan pemerintahan dan hakikat bahawa jika pemerintahan tidak wujud, urusan-urusan dunia akan menjadi kucar-kacir. Dengan sebab itulah dikatakan : “Agama dan Raja dua perkara berkembar, jika salah satu terangkat, terangkatlah yang satu lagi. Agama laksana asas manakala Raja laksana pengawal. Sesuatu yang tidak ada asas akan runtuh dan sesuatu yang tidak ada pengawal akan lenyap”.

Selain daripada al-Quran terdapat hadis-hadis yang menerangkan kedudukan *waliyyu al-amri* antaranya:

عن أبي بكره رضى الله عنه قال: سمعت رسول الله صلى الله عليه وسلم قال: السُّلْطَانُ ظِلُّ اللَّهِ فِي الْأَرْضِ فَمَنْ أكَرَمَهُ اللَّهُ وَمَنْ أَهَانَهُ اللَّهُ.

(رواه أحمد الترمذي والبيهقي والبخاري في تاريخه)

“Abu Bakar r.a berkata: Aku dengar Rasulullah SAW bersabda: Pemerintah adalah perlindungan Allah di bumi maka sesiapa memuliakannya, Allah akan memuliakannya dan sesiapa yang menghinakannya, Allah akan menghinanya”.

Menghuraikan maksud hadis di atas, Syeikh Khalid al-Anbari menyatakan:

وهذه الإضافة لإضافة تَشْرِيفٍ وَتَعْظِيمٍ. والمعنى: أَنَّ اللَّهَ يَدْفَعُ بِأَوْلِيَاءِ الْأُمُورِ الْأَذَى وَالظُّلْمَ عَنِ النَّاسِ كَمَا يَدْفَعُ بِالظِّلِّ الْأَذَى الْحُرُورِ الْقَيْظِ.

“Menghubungkan pemerintah kepada nama Allah dalam hadis di atas membawa makna kemuliaan dan kebesaran. Pengertiannya bahawa Allah Taala melindungi manusia daripada kezaliman dan kekejaman melalui pemerintah sepertimana Allah melindungi daripada panas matahari melalui lindungan bayang”.

عن حذيفة عن النبي صلى الله عليه وسلم: ما من قوم مشوا إلى سُلْطَانِ اللَّهِ لِيُذِلُّوهُ إِلَّا أَذَلَّهُمُ اللَّهُ قَبْلَ يَوْمِ الْقِيَامَةِ.

(صحيح - رواه البزار)

“Daripada Huzaiifah r.a dan daripada Nabi SAW bersabda: Mana-mana kumpulan manusia berarak menuju ke arah pemerintah dengan tujuan menghinanya pasti Allah hinakan mereka sebelum hari kiamat”.

Berasaskan martabat dan kedudukan pemerintah yang begitu tinggi, Dr Yahya Ismail dalam Manhaj as-Sunah menyatakan:

جعلت السنة سبّةً وغيبتَهُ كَبِيرَةً وَإِنْ كَانَ لِأَحَدٍ فِيهَا
(الدكتور يحيى إسماعيل: مَنَهِجُ السُّنَّةِ فِي الْعَلَاقَةِ بَيْنَ الْحَاكِمِ وَالْمَحْكُومِ)

“Dalil-dalil daripada sunah menyatakan bahawa memaki dan mengumpat pemerintah adalah satu dosa besar sekalipun tidak dikenakan hukuman had”.

Antara dalilnya:

عن عمرو البكالي قال: سمعت رسول الله صلى الله عليه وسلم يقول: إذا كان عليكم أمراء يأمرونكم بالصلاة والزكاة والجهاد فقد حرم عليكم سبهم وحلّ لكم خلفهم.

— رواه الطبراني وأبو داود

“Amr al-Bukali berkata: Aku dengar Rasulullah SAW berkata: Jika kamu berada di bawah pemerintah - pemerintah yang menyuruh kamu mengerjakan solat, berzakat dan berjihad maka haram bagi kamu memaki mereka dan halal bagi kamu mengikut mereka”.



عن أبي أمامة قال: قال رسول الله صلى الله عليه وسلم: لَا تَسُبُّوا
الْأُمَّةَ وَادْعُوا اللَّهَ لَهُمْ بِالصَّلَاحِ فَإِنَّ صِلَاحَهُمْ لَكُمْ صِلَاحٌ (رواه
الطبراني)

“Abu Umamah berkata: Sabda Rasulullah SAW jangan kamu memaki para pemimpin negara, sebaliknya hendaklah kamu berdoa untuk kebaikan mereka kerana baiknya mereka akan membawa kebaikan untuk kamu”.

Seterusnya sepotong hadis daripada Abu ‘Ubaidah r.a:

عن أبي عبيدة رضى الله عنه قال: لا تسبوا السلطان فإنه فيء الله في
أرضه. (رواه البيهقي)

“Abu ‘Ubaidah r.a berkata, Sabda Rasulullah SAW : Janganlah kamu memaki pemerintah kerana ia adalah perlindungan Allah di bumi-Nya”.



PEMERINTAH : ANTARA KEBAIKAN DAN KEBURUKAN

Apabila kita memperkatakan mengenai kelebihan dan kebaikan pemerintah, persoalan yang timbul ialah: seiring dengan kebaikan tersebut wujud juga keburukan-keburukan seperti perbuatan zalim, fasik dan sebagainya yang sering berlaku di kalangan pemerintah.

Pada hakikatnya ulama Islam tidaklah terlepas pandang daripada membahaskan persoalan yang penting ini. Berikut ini, beberapa hikmat yang dapat dipetik daripada tulisan mereka tentang persoalan ini:

Imam Abu Bakar al-Turtusyi menyebut dalam *Siraj al-Muluk* m/s 202,

مثل مضارّ السلطان في جنب منافعِهِ مثل الغيث الذي هو سقيا الله
تعالى وبركات السماء وحياء الأرض ومن عليها وقد يتأذى به
المسافر ويتداعى له البنيان وتكون فيه الصواعق وتدرّ سيولُهُ فتهلك
الناس والدواب والذخائر ويموج له البحر فتشتدُّ بليته على أهله
ولا يمنع ذلك الخلق - إذا نظروا إلى آثار رحمة الله تعالى في الأرض
التي أحيا، والنبات الذي أخرج، والرزق الذي بسط والرحمة التي
نشر - أن يعظموا نعمة ربهم ويشكروها ويلغوا ذكر خواص الأذية
التي دخلت على خواص الخلق



“Perbandingan keburukan yang timbul daripada pemerintah di samping kebajikannya samalah dengan hujan yang merupakan siraman Allah Taala serta berkat yang turun dari langit dengan membawa kehidupan bagi bumi dan isinya. Hujan mungkin menyebabkan gangguan kepada pengembara serta menyebabkan bangunan runtuh. Ia melahirkan petir serta banjir yang memusnahkan manusia, binatang ternakan dan bekalan. Laut akan menjadi berombak yang boleh membahayakan pelayar. Namun semuanya ini, tidak menghalang manusia menilai nikmat besar yang dibawa oleh hujan dan mensyukurinya dengan melupakan perkara-perkara buruk yang tidak dapat dipisahkan daripada sifat makhluk – apabila mereka melihat kesan-kesan nikmat Allah pada bumi yang subur, tumbuhan yang hidup, rezeki yang melimpah ruah serta rahmat yang mencurah”.

Imam al-Fakh al-Razi dalam al-Arba'in Fi Usul al-Din menyatakan:

لا نَزَاعَ فِي أَنْ هَذِهِ الْمَحْذُورَاتِ قَدْ تَحْصُلُ لَكِنْ كُلُّ عَاقِلٍ يَعْلَمُ
أَنَّهُ إِذَا قُبِلَتِ الْمَفَاسِدُ الْحَاصِلَةُ مِنْ عَدَمِ الرَّئِيسِ الْمُطَاعِ بِالْمَفَاسِدِ
الْحَاصِلَةِ مِنْ وَجُودِهِ فَالْمَفَاسِدُ الْحَاصِلَةُ مِنْ عَدَمِهِ أَزِيدُ بِكَثِيرٍ مِنْ
الْمَفَاسِدِ الْحَاصِلَةِ مِنْ وَجُودِهِ وَعِنْدَ وَقُوعِ التَّعَارُضِ تَكُونُ الْعِبْرَةُ
بِالرَّجْحَانِ فَإِنْ تَرَكَ الْخَيْرَ الْكَثِيرَ لِأَجْلِ الشَّرِّ الْقَلِيلِ شَرٌّ كَثِيرٌ

“Tidak dipertikaikan bahawa keburukan-keburukan yang disebutkan itu ada berlaku. Tetapi setiap orang berakal mengetahui bahawa keburukan yang terbit daripada ketiadaan pemerintah yang ditaati jika dibandingkan dengan keburukan



yang lahir daripada kewujudan pemerintah maka keburukan yang terbit daripada ketiadaan pemerintah jauh lebih bahaya daripada keburukan yang lahir daripada kewujudan pemerintah.

Jika berlaku pertembungan (antara kebaikan dan keburukan) maka yang dimenangkan ialah pihak mana yang lebih berat. Ini kerana meninggalkan kebaikan yang banyak kerana keburukan yang sedikit adalah satu keburukan yang besar”.

Al-Fudail Bin ‘Iyad berkata:

جَوْرٌ سِتِّينَ سَنَةً خَيْرٌ مِنْ هَرَجِ سَاعَةٍ

“Kezaliman daripada pemerintah selama enam puluh tahun lebih baik daripada kekacauan seketika kerana ketiadaan pemerintah”.

Ibnu Taimiyyah dalam *Minhaj al-Sunnah* menyatakan:

إن الفوضى في ساعة يحدث فيها من الظلم ما لا يحدث في استبداد
سنتين

“Sesungguhnya kekacauan seketika (kerana ketiadaan pemerintah) akan berlaku kezaliman lebih banyak daripada apa yang berlaku bertahun-tahun di bawah pemerintahan diktator”.

Perkembangan mutakhir yang berlaku di negara-negara yang mengalami kehancuran pemerintahan membuktikan kebenaran kata-kata para ulama di atas.



KEWAJIPAN TAAT KEPADA PEMERINTAH

Segala kebaikan daripada kewujudan pemerintah yang diperkatakan sebelum ini tidak akan terhasil tanpa ketaatan daripada pihak yang diperintah. Oleh yang demikian para ulamak memberikan perhatian khusus kepada kewajipan ini sesuai dengan dalil-dalil yang terdapat dalam al-Quran dan al-Sunah.

Imam Syihabuddin al-Absyih dalam kitabnya al-Mustatraf menyatakan:

إعلم - أرشدني الله وإياك إلى الإتياع وجنبنا الزيغ والابتداع -
أن من قواعد الشرعية المطهرة والملة الحنيفية المحرزة أن طاعة الأئمة
فرض على كل الرعية وأن طاعة السلطان تؤلف شمل الدين وتنظم
أمر المسلمين وأن عصيان السلطان يهدم أركان الملة وأن أرفع
منازل السعادة طاعة السلطان وأن طاعته عصمة من كل فتنة

“Ketahui olehmu – semoga Allah memberi taufik kepada saya dan anda untuk mengikut Sunah dan menjauhkan kita daripada penyelewengan dan bidaah. Sesungguhnya sebahagian daripada kaedah syar’iyyah islamiyyah yang suci dan agama yang benar serta terpelihara ini ialah bahawa taat kepada pemerintah adalah kewajipan fardu ke atas seluruh rakyat.



Sesungguhnya taat kepada pemerintah itu akan mengukuhkan agama dan menjamin ketertiban dalam urusan kehidupan umat Islam. Manakala menderhaka kepada pemerintah pula boleh meruntuhkan asas-asas agama. Ketahuilah juga bahawa tingkatan kebahagiaan yang tertinggi ialah taat kepada pemerintah di samping ianya menjadi penyelamat daripada segala kehancuran....”.

Menurut Syeikh Mahmud al-Khalidi:

إِنْعَقَدَ اجْمَاعُ أَهْلِ السُّنَّةِ وَالْجَمَاعَةِ عَلَىٰ وَجُوبِ السَّمْعِ وَالطَّاعَةِ لِوَلِيِّ
الْأَمْرِ وَالْمَسْئُولِينَ وَالتَّقْيِيدِ بِالْأَنْظِمَةِ وَالْقَوَانِينِ فِيمَا لَيْسَ فِيهِ مَخَالَفَةٌ
لِلنُّصُوصِ الشَّرْعِيَّةِ ... وَأَصْرَحَ دَلِيلُ ذَلِكَ آيَةُ الْأَمْرَاءِ فِي كِتَابِ اللَّهِ
عَزَّ وَجَلَّ وَهِيَ قَوْلُهُ سَبَّحَانَهُ (يَأَيُّهَا الَّذِينَ آمَنُوا أَطِيعُوا اللَّهَ وَأَطِيعُوا
الرَّسُولَ وَأُولَى الْأَمْرِ مِنْكُمْ)

“Ahli as-Sunah wa al-Jamaah telah bersepakat menyatakan bahawa wajib mendengar dan taat kepada pemerintah, pihak berkuasa, berpegang kepada sistem dan undang-undang selama ia tidak bertentangan dengan nas-nas syarak. Dalil paling jelas adalah ayat umarak seperti yang terdapat dalam al-Quran iaitu Wahai orang-orang yang beriman taatilah Allah, taatilah Rasul-Nya dan pemimpin kamu...”

Setelah memetik ayat di atas daripada Surah al-Nisa’: 59, Imam al-Mawardi menyatakan dalam al-Ahkam al-Sultaniyyah :

ففرض علينا طاعة أولى الأمر فينا وهم الأئمة المتأمرون علينا

“Maka Allah Taala mewajibkan kita taat kepada ulil-amri di kalangan kita. Mereka ialah pemimpin negara yang menjadi pemerintah kita”.

Al-Imam Abu Bakar al-Turtusyi menyatakan:

طاعةُ الأئمة هُدى لمن استضاء بنورها وموئل لمن حافظَ عليها.
الخارج من الطاعة مُنقطع العصمة برئ من الذمة مُبدل بالكفر
النعمة. طاعةُ الأئمة حبلُ الله المتين ودينه القويم وجنته الواقعة
وكفايته العالية.

“Taat kepada pemerintah adalah petunjuk bagi orang menjadikan cahayanya sebagai penyuluh, tempat berlindung bagi mereka yang memeliharanya. Orang yang keluar daripada sempadan taat, tersingkir ia daripada perlindungan Allah, terlepas daripada jaminan-Nya. Taat kepada pemerintah adalah tali Allah yang kukuh, agama-Nya yang lurus, perisainya yang melindungi dan pemeliharannya yang tinggi”.

Selain daripada ayat al-Quran terdapat hadis-hadis Rasulullah SAW berhubung dengan kewajipan taat ini, antaranya:

Abu Umamah meriwayatkan: Aku dengar Rasulullah SAW berkhotbah pada Haji Wida’, sabdanya:



إنه لا نبي بعدي ولا أمة بعدكم إلا فأعبدوا ربكم وصلوا خمسكم
وصوموا شهركم وأدوا زكاة أموالكم طيبة بها أنفسكم وأطيعوا
أمراءكم تدخلوا جنة ربكم

(رواه أحمد والترمذي وأبن حبان والطبراني - صحيح)

“Sesungguhnya tiada Nabi selepasku dan tiada umat selepas kamu. Demi sesungguhnya beribadatlah kepada Tuhanmu, tunaikanlah solat lima waktu, berpuasalah pada bulan Ramadhan, tunaikanlah zakat harta kamu dengan ikhlas hatimu dan taatilah pemerintah-pemerintah kamu nescaya kamu akan masuk syurga Tuhanmu”.

Abdullah Bin Umar meriwayatkan daripada Rasulullah SAW sabdanya:

على المرء المسلم السَّمْعُ والطَّاعَةُ فيما أَحَبَّ وكره إلا أن يُؤْمَرَ
بمعصية فإن أمر بمعصية فلا سَمْعَ وطاعة - متفق عليه

“Wajib ke atas setiap Muslim dengar dan taat pada sebarang perintah sama ada ia suka atau tidak melainkan ia diperintah melakukan maksiat. Jika ia diperintah berbuat maksiat maka tidak wajib dengar dan taat”.

Imam al-Qal'ie dalam huraiannya terhadap hadis ini menyatakan:



ولا يَفْهَم من ذلك أنه إذا أَمَرَ بِمَعْصِيَةٍ فلا يَسْمَعُ له مطلقاً في كل أو أمره بل يَسْمَعُ له ويَطَاعُ مطلقاً إلا في المعصية فلا يَسْمَعُ ولا طاعة

“Tidak boleh difahamkan daripada maksud hadis itu bahawa jika pemerintah menyuruh perbuatan maksiat maka semua perintahnya tidak dipatuhi sama sekali malah semua perintahnya wajib didengar dan ditaati melainkan perintah maksiat maka tidak wajib didengar dan ditaati”.

Ibn Abi al-‘Iz dalam *Syarh al-‘Aqidah at-Tohawiyyah* menyatakan:

أَمْ لَزُومٌ طَاعَتِهِمْ وَإِنْ جَارُوا فَلِأَنَّهُ يَتَرْتَّبُ عَلَى الْخُرُوجِ عَنْ طَاعَتِهِمْ
مِنَ الْمَفَاسِدِ أَضْعَافٌ مَا يَحْصُلُ مِنْ جَوْرِهِمْ بَلْ فِي الصَّبْرِ عَلَى جَوْرِهِمْ
تَكْفِيرُ السَّيِّئَاتِ

“Adapun hikmah wajib mentaati para pemerintah sekalipun mereka melakukan kezaliman ialah kerana penderhakaan akan menimbulkan kerosakan yang lebih besar daripada kerosakan yang timbul daripada kezaliman mereka. Sebaliknya kesabaran dalam menghadapi kezaliman mereka membersihkan dosa dan menambahkan pahala”.

Pandangan ulama ini berdasarkan petunjuk Rasulullah SAW dalam beberapa hadis, antaranya:



‘Ady Bin Hatim menyatakan: Kami berkata kepada Rasulullah SAW. :

يا رسول الله لا نسألك عن طاعة من اتقى ولكن من فعل وفعل -
فذكر الشر فقال: إتقوا الله واسمعوا (أخرجه ابن أبي عاصم)

“Wahai Rasulullah, kami tidak bertanya kepadamu tentang taat pemerintah yang bertakwa tetapi yang melakukan itu dan ini – ia menyebut kejahatan – Rasulullah SAW bersabda:

“Bertakwalah kepada Allah dan dengar serta taat kepada pemerintah”.

‘Auf Bin Malik meriwayatkan sabda Rasulullah SAW :

وإذا رأيتم من ولا تكلم شيئا تكرهونه فاكرهوا عمله ولا تنزعوا
يدا من طاعة - رواه مسلم

“Dan apabila kamu melihat sesuatu yang tidak baik pada pemerintah kamu hendaklah membenci amalannya dan jangan kamu menderhaka”.



KESAHIHAN PEMERINTAH

Persoalan ini mempunyai kaitan yang sangat rapat dengan kewajipan taat kepada pemerintah. Kebanyakan tindakan penderhakaan terhadap pemerintah Islam di sepanjang zaman berpunca daripada pandangan bahawa pemerintah yang ada tidak sah di sisi syarak. Dengan itu ia tidak wajib ditaati malah perlu ditentang.

Memandangkan persoalan ketaatan ini begitu besar sama ada dilihat daripada segi hukum agama mahupun kesan-kesannya terhadap umat Islam, para ulama dalam kajian mereka memberikan perhatian berat terhadap persoalan kesahihan pemerintah yang melahirkan kewajipan taat.

Menurut Imam asy-Syafie:

كل من غلب على الخلافة بالسيف حتى يسمى خليفة ويجمع الناس
عليه فهو خليفة (نقله البيهقي في مناقب الشافعي)

“Sesiapa yang menguasai pemerintahan dengan cara kekuatan hingga ia dipanggil pemerintah dan ia menarik sokongan orang ramai maka ia adalah pemerintah yang sah”.

Imam Ahmad Bin Hanbal berkata:

من غلب عليهم بالسيف حتى صار خليفة وسمي أمير المؤمنين فلا
يجل لأحد يؤمن بالله واليوم الآخر أن يبيت ولا يراه إماما برا كان
أو فاجرا

“Sesiapa mendapat kuasa melalui kekuatan hingga ia menjadi pemerintah dan dipanggil pemerintah orang Islam maka tidak halal bagi sesiapa yang beriman dengan Allah dan Hari Akhirat berada semalam pun tanpa mengiktirafnya sebagai pemerintah sama ada ia seorang yang baik atau fasik”.

Imam al-Nawawi dalam kitabnya Raudah al-Talibin berkata:

... فإن لم يكن جامعا للشرائط بأن كان فاسقا أو جاهلا فوجهان
أصحهما: انعقادها لما ذكرناه

“Jika pemimpin yang mendapat kuasa tidak memenuhi syarat-syarat menjadi pemerintah seperti seorang yang fasik atau tidak berilmu maka terdapat dua pandangan. Pandangan yang lebih sah ialah ia sah sebagai pemerintah umat Islam”.

Berkata Ibn Hajar dalam Fath al-Bari:

وقد أجمع الفقهاء على وجوب طاعة السلطان المتغلب والجهاد معه
... ولم يستثنوا من ذلك إلا إذا وقع من السلطان الكفر الصريح



“Para ulama secara ijmak berpendapat wajib taat kepada pemerintah yang telah berjaya beroleh kuasa dan berjihad bersamanya...mereka tidak mengecualikan daripada kewajipan ini melainkan jika berlaku perbuatan kufur yang nyata”.

Ibnu Taimiyah dalam *Manhaj as-Sunnah* menyebut:

والإمام الذي يطاع هو من كان له سلطان سواء كان عادلا أو ظالما
لكان لا يطاع أحد في معصية الله عز وجل

“Pemerintah yang dipatuhi adalah pemerintah yang mempunyai kuasa sama ada adil atau zalim tetapi tidak ditaati sesiapa pun dalam perkara maksiat kepada Allah”.

Imam Ahmad Bin Hanbal menyatakan:

من ولى الخلافة فاجتمع عليه الناس ورضوا به فهو خليفة (نقله ابن
الجوزي في المناقب)

“Sesiapa yang menyanggah jawatan pemerintah lalu orang ramai menyokong dan menerimanya maka ia adalah pemerintah yang sah”.

Berasaskan huraian-huraian yang dibuat oleh para ulama di atas, tidak syak lagi bahawa **pemerintah Malaysia hari ini adalah sah di sisi hukum syarak dan wajib ditaati** kerana kerajaan yang ada hari ini beroleh kuasa dengan persetujuan majoriti umat.

Imam Ahmad Bin Hanbal meriwayatkan daripada Abdullah Bin Abi Aufa, sabda Rasulullah SAW:



عليك بالسواد الأعظم (مرتين) إن كان السلطان يسمع منك فأتته
في بيته فأخبره بما تعلم فإن قبل منك، وإلا فدعه فإنك لست بأعلم
منه (رواه أحمد وطبراني)

“Hendaklah kamu berada bersama kelompok umat terbesar (dua kali) jika pemerintah ingin mendengar pandangan kamu datanglah ke rumahnya dan beritahu kepadanya apa yang kamu tahu. Jika ia terima (maka ia satu kebaikan) tetapi jika tidak diterima maka beredarlah kerana kamu bukanlah lebih tahu daripadanya”.

‘Arfajah meriwayatkan daripada Rasulullah SAW sabdanya:

يد الله مع الجماعة والشيطان مع من خالف يرْكُضُ
(رواه الطبراني)

“Pertolongan Allah bersama jemaah dan syaitan menunggang bersama mereka yang menentang jemaah”.

Hudhaifah meriwayatkan daripada Rasulullah SAW sabdanya:

من فارق الجماعة واستدلَّ الإمارة لقي الله ولا وَجَهَ له عنده
(رواه أحمد)

“Sesiapa yang menentang jemaah Muslimin dan menghina kerajaan ia menemui Allah tanpa sebarang hujah (yang boleh mempertahankan tindakannya) di sisi Allah”.



Malah persoalan jemaah Muslimin ini ada kaitan dengan penerimaan dan penolakan amalan serta nasib seseorang di akhirat. Ibnu Abbas meriwayatkan daripada Rasulullah SAW sabdanya:

من عمل في الجماعة فأصاب قبل الله منه وإن أخطأ غفر له ومن عمل
يبتغي الفرقة فأصاب لم يقبل منه وإن أخطأ فليتبوأ مقعده من النار
(رواه الطبراني)

“Sesiapa yang beramal dalam jemaah dan amalannya betul, Allah terima daripadanya. Jika tersalah Allah ampunkan dia. Sesiapa yang beramal mencari perpecahan dan amalannya betul, Allah tidak terima daripadanya. Jika amalannya salah, maka hendaklah ia bersiap untuk mengambil tempatnya dalam neraka”.

Perkataan “jemaah” digunakan dengan berbagai-bagai pengertian mengikut konteksnya. Dalam konteks ilmu pemerintahan atau siyasah asy-syar’ieyyah, ia membawa makna **pemerintah yang berkuasa beserta umat yang bersatu dengan mereka** seperti yang disebut oleh Imam at-Tabari:

إن المراد من الخبر لزوم الجماعة الذين في طاعة من اجتمعوا على
تأمره فمن نكث بيعته خرج عن الجماعة

“Yang dimaksudkan oleh hadis ini ialah menyertai kumpulan umat dalam mentaati pemerintah yang mereka bersepakat melantiknya. Sesiapa yang membatalkan kesetiaannya bererti ia telah keluar daripada jemaah”.



Imam asy-Syatibi dalam al-Itisam menyatakan:

إن الجماعة جماعة المسلمين إذا اجتمعوا على أمير

“Sesungguhnya yang dimaksudkan dengan jemaah ialah kumpulan umat yang bersatu dengan pemerintah”.

Memandangkan begitu penting persoalan jemaah ini dalam kehidupan Muslim, Sayyidina ‘Umar r.a. menyatakan:

لا إسلام بلا جماعة ولا جماعة بلا أمير ولا أمير بلا طاعة

“Tidak sempurna Islam tanpa jemaah, tidak sempurna jemaah tanpa pemerintah dan tidak sempurna pemerintah tanpa taat”.



KEPENTINGAN ULAMA DALAM PEMBENTUKAN UMMAH

Salah satu daripada golongan penting yang membentuk jemaah Muslimin ialah golongan ulama. Merekalah yang bertanggungjawab memastikan jemaah tersebut mengikut jalan yang lurus dalam perjalanan menuju matlamat yang digariskan oleh Islam, iaitu keredhaan Allah di dunia dan akhirat.

Ini kerana mereka mewarisi ilmu dan perjuangan para anbia dan dalam konteks ini mereka laksana bintang-bintang di langit yang menjadi panduan para pelaut dalam pelayaran mereka.

Abu al-Darda' meriwayatkan daripada Rasulullah SAW

sabdanya:

فضل العالم على العابد كفضل القمر ليلة البدر على سائر الكواكب
وإن العلماء ورثة الأنبياء وإن الأنبياء لم يورثوا دينارا ولا درهما
ولكنهم ورثوا العلم فمن أخذه أخذ بحط وافر (رواه أحمد وأبو داود
والترمذي والدارامي)

“Kelebihan orang alim berbanding orang ‘abid (ahli ibadat) seperti kelebihan bulan purnama berbanding dengan bintang-bintang yang lain. Sesungguhnya para ulama adalah pewaris



ilmu para anbia dan para anbia tidak meninggalkan warisan dinar dan dirham tetapi meninggalkan warisan ilmu. Sesiapa yang mengambilnya ia akan mengambil habuan yang lumayan”.

Anas Bin Malik meriwayatkan daripada Rasulullah SAW:

إنما مثل العلماء في الأرض كمثل النجوم في السماء يهتدى بها في ظلمات البر و البحر فإن انطمست النجوم أو شك أن تضل الهداة

“Perbandingan ulama di muka bumi adalah laksana bintang-bintang di langit yang dijadikan panduan dalam kegelapan malam, sama ada di darat atau di laut. Apabila bintang tiada, para pemandu jalan akan tersesat”.

Memandangkan ketiga-tiga golongan tersebut sangat penting dalam pembentukan jemaah Muslimin yang mengikut Sayyidina ‘Umar r.a, kesempurnaan Islam tidak dapat dizahirkan tanpanya, maka hubungan antaranya begitu penting. Bagi menjamin keutuhan jemaah Muslimin, syarak menentukan nasihat sebagai kaedah utama dalam hubungan antara mereka.

Tamim Bin Aus meriwayatkan daripada Rasulullah SAW:

إن الدين النصيحة لله ولكتابه ولرسوله ولأئمة المسلمين وعامتهم
(رواه مسلم وأحمد وأبو داود النسائي والترمذي)

“Sesungguhnya asas hubungan dalam agama adalah nasihat, iaitu bagi (mentaati) Allah dan Rasul-Nya, bagi (menolong) para pemerintah umat Islam dan rakyat amnya”.



Abu Hurairah r.a meriwayatkan daripada Rasulullah SAW sabdanya:

إن الله يرضى لكم ثلاثا: يرضى لكم أن تعبدوه ولا تشركوا به شيئا وأن تعتصموا بحبل الله جميعا ولا تفرقوا وأن تناصحوا من ولاه الله أمركم (رواه مسلم)

“Sesungguhnya Allah reda bagi kamu sekalian tiga perkara: Allah reda bagi kamu bahawa kamu beribadat kepadanya dan tidak menyekutukan Allah dengan sesuatu dan bahawa kamu semua berpegang teguh dengan kitab Allah dan jangan berpecah-belah dan bahawa kamu nasihat menasihati orang yang dilantik oleh Allah menjadi pemerintah kamu”.

Menurut Syeikh ‘Aqil Muhammad al-Maqtiri bahawa makna tersirat daripada susunan kata:

(الدين النصيحة) اي هي عماد الدين وقوامه كقوله : الحج عرفة

“(Agama itu nasihat) yakni nasihat adalah tiang agama dan penegaknya seperti susunan kata, Haji itu wuquf di ‘Arafah”.

Sebelum memahami lebih lanjut maksud nasihat terhadap pemerintah dan yang diperintah terlebih dahulu kita perlu memahami makna perkataan nasihat.

Menurut al-Khatabi:

النصيحة كلمة يعبر بها عن جملة هي : اراده الخير للمنصوح له

“Nasihat ialah satu perkataan yang dipakai bagi menerangkan sejumlah makna iaitu inginkan kebaikan untuk pihak yang dinasihati”.

Muhammad Bin Nasr ketika menjelaskan makna nasihat untuk para pemerintah umat Islam berkata:

أما النصيحة لأئمة المسلمين : فحب صلاحهم ورشدهم وعدهم
وحب اجتماع الأمة عليهم وكرهية افتراق الأمة عليهم وكرهية
افتراق الأمة عليهم والتدين بطاعتهم في طاعة الله عز وجل

“Adapun pengertian nasihat kepada para pemerintah umat Islam ialah : Ingin supaya mereka menjadi baik, mendapat petunjuk dan berlaku adil, suka umat bersatu di bawah pemerintahan mereka dan tidak berpecah-belah”.

Manakala Abu ‘Amr Bin as-Salah pula menyatakan:

أما النصيحة لأئمة المسلمين : معاونتهم على الحق وطاعتهم فيه
وتذكيرهم به وتنبيههم في رفق ولطف ومجانبة الثوب عليهم والدعاء
لهم بالتوفيق وحث الأغيار على ذلك



“Nasihat untuk para pemerintah umat Islam ialah membantu mereka dalam perkara yang benar, taat kepada mereka pada perkara yang benar, mengingatkan mereka tentang kebenaran, menegur mereka dengan cara yang lemah lembut, menjauhkan diri daripada bertindak menentang mereka, menggalakkan orang ramai berbuat demikian”.

Manakala nasihat pemerintah terhadap rakyat pula dihuraikan oleh Imam al-Turtusyi dengan katanya:

للرعية على السلطان الاستصلاح لهم والتعهد لأموارهم وحسن
السيرة فيهم والعدل عليهم والتعديل بينهم

“Hak rakyat yang perlu ditunaikan oleh pemerintah ialah memperbaiki kehidupan rakyat, mengambil berat urusan mereka, baik tingkah laku dengan rakyat, berlaku adil dan memastikan mereka mendapat keadilan”.



PENUTUP

Daripada huraian-huraian para ulama yang dipaparkan di atas, dapat disimpulkan bahawa dalam rangka menjaga kepentingan agama dan kedaulatan ummah nasihat wajib menjadi kaedah utama dalam hubungan kelompok ummah yang membentuk jemaah Muslimin. Ia perlu diperkasa setiap masa, lebih-lebih lagi oleh kalangan ahli agama dan ilmuwan terhadap pemerintah seperti yang disebut oleh Imam al-Turtusyi:

أولى الناس بطاعة السلطان ومناصحته أهل الدين والنعم والمروآت
إذا لا يقوم الدين إلا بالسلطان

“Manusia yang paling utama taat kepada pemerintah dan menasihatinya ialah ahli agama dan mereka yang mendapat nikmat serta golongan yang bermaruah kerana agama tidak boleh tegak tanpa kuasa pemerintah”.

والله أعلم بالصواب

ثبت المراجع

١- القرآن الكريم

٢- الحديث النبوي الشريف

٣- النظام السياسي في الإسلام - النظرية السياسية نظام الحكم،
(١٩٩٩) عبد العزيز عزت الخيط، الدكتور، القاهرة : دار السلام
للطباعة ، والنشر والتوزيع والترجمة

٤- منهج السنة في العلاقة بين الحاكم و المحكوم (١٩٨٦)
الدكتور يحيى اسماعيل، المنصورة : دار الوفاء للطباعة والنشر
والتوزيع

٥- الجامع الصغير

٦- فقه السياسة الشرعية في ضوء القرآن و السنة وأقوال
سلف الأمة - بحوث في نظام السياسي الإسلامي مع ملحق فتاوى
السياسة الشرعية للعلماء الأجلاء : ابن باز ، ابن عثيمين، الفوزان
(٥١٤١٨) خالد بن علي بن محمد العنبري ، الرياض

٧- جامع العلوم و الحكم في شرح خمسين حديثا من جوامع الكلم
(١٩٩٦) ابن رجب الحنبلي الدمشقي تحقيق عبد الله المنشاوي ،
المنصورة : مكتبة الإيمان



- ٨- سراج الملوك (١٩٩٤) ابي بكر محمد بن الوليد لفهري
الطرطوشي تحقيق شوقي ضيف، الدكتور، القاهرة : لدار المصرية
اللبانية ، المجلد الأول
- ٩- المستطرف في كل فن المستطرف (١٩٩٩) شهاب الدين محمد
بن ابي الفتح الأبهسي تحقيق سعيد محمد اللحم ، بيروت : عالم
الكتب
- ١٠- قواعد في التعامل مع العلماء (١٩٩٤) عبد الرحمان بن المعلا
اللويحق، السعودية : دار الوراق
- ١١- الأحكام السلطنة (٢٠٠٠) ابي يعلى محمد بن الحسين الفراء
الحنبلي تعليق محمد حامد الفيقي، بيروت : دار الكتاب العلمية
- ١٢- فقه النصيحة (١٩٩٦) عقيل بن محمد المقطري، بيروت :
دار ابن حازم



١٣- الأحكام السلطانية والولايات الدينية (١٩٩٦) ابي الحسن
علي بن محمد بن حبيب البصري البغدادي الماوردي تحقيق عصام
فارس الحرستاني و محمد ابراهيم الزغلي، بيروت : المكتب
الإسلامي

١٤- قواعد نظام الحكم في وسمعوا (١٩٨٣ ط ٢) محمود الخالدي،
الدكتور ، الأردن : جامعة اليرموك، الناشر : مكتبة المحتسب